

Mostar, 29.03.2024. godine

Br: 453/24

Na osnovu čl. 20a. stav 2. Zakona o radu ("Službene novine FBiH" broj 26/16, 89/18 i 44/22), čl. 16. Uredbe o postupku prijema u radni odnos u javnom sektoru u HNK ("Službene novine HNK", broj 4/19, 5/19 i 5/20), čl. 4. Pravilnika o radu J.U. Dom zdravlja Stari grad Mostar (br. 950-01/22 od 26.08.2022. godine), Odluke direktora J.U. Dom zdravlja Stari grad Mostar (broj 235/24 od 20.02.2024. godine), a nakon provedene procedure po Javnom oglasu za popunu upražnjenih radnih mjesta u J.U. Dom zdravlja Stari grad Mostar (broj 235-01/24), raspisanog u dnevnim novinama "Dnevni list" i "Dnevni avaz", te na web stranici poslodavca i web stranici Službe za zapošljavanje HNK-a dana 22.02.2024. god. i Liste uspješnih kandidata Komisije za izbor kandidata za prijem u radni odnos od 25.03.2024. godine, direktor donosi

ODLUKU

o izboru kandidata

za prijem radnika u radni odnos na određeno vrijeme

I

Adela Mesihović - Nanić prima se u radni odnos na određeno vrijeme u trajanju od jedne godine na poslove i radne zadatke *doktora stomatologije* u J.U. Dom zdravlja Stari grad Mostar.

II

Ugovorom o radu regulisat će se međusobna prava i obaveze između poslodavca i radnice, nakon što odluka postane konačna.

III

Odluka stupa na snagu danom donošenja i objavit će se na oglasnoj tabli i Web stranici J.U. Dom zdravlja Stari grad Mostar.


OBRAZLOŽENJE

Na Javni oglas za popunu upražnjenih radnih mjesta u J.U. Dom zdravlja Stari Grad Mostar, broj 235-01/24, raspisanog u dnevnim novinama "Dnevni list" i "Dnevni avaz", te na web stranici poslodavca i web stranici Službe za zapošljavanje HNK-a dana 22.02.2024. god., na poziciju *1. Doktor stomatologije na određeno vrijeme u trajanju od jedne godine (1 izvršilac)* prijavilo se pet kandidata, te su svi kandidati dostavili potpune, blagovremene i uredne prijave na javni oglas.

Na pismeni i usmeni ispit sa kandidatima, zakazanim dana 25.03.2024. godine, odazvali su se: Amerisa Bubalo, Nedim Kajtaž, Adela Mesihović – Nanić, Mehmed Salčin i Selma Palić.

Nakon obavljenog pismenog i usmenog ispita, Komisija za izbor kandidata za prijem u radni odnos je sačinila listu uspješnih kandidata, u skladu sa rezultatima odnosno ukupno ostvarenim brojem bodova postignutim na pismenom i usmenom ispitu, pri tome vodeći računa o pravu na prednost prilikom zapošljavanja u odnosu na ostale kandidate u skladu sa čl. 7. stav 3. Uredbe o postupku prijema u radni odnos u javnom sektoru u HNK („Službene novine HNK“, broj: 4/19, 5/19 i 5/20), a što svi kandidati ispunjavaju.

Vrednovanje prioriteta pri zapošljavanju Komisija za izbor kandidata za prijem u radni odnos vrši i u skladu sa čl. 5. Uredbe o jedinstvenim kriterijima i pravilima za zapošljavanje branilaca i članova njihovih porodica u HNK ("Službene novine HNK" broj 1/24). Da bi se izvršilo vrednovanje prioriteta u skladu sa čl. 5. Uredbe o jedinstvenim kriterijima i pravilima za zapošljavanje branilaca i članova njihovih porodica u HNK, kandidati su bili dužni dostaviti svu potrebnu dokumentaciju u skladu sa



Javnim oglasom za popunu upražnjenih radnih mjesta u J.U. Dom zdravlja Stari Grad Mostar, broj 235-01/24. Međutim, niko od prijavljenih kandidata nije dostavio urednu i kompletnu dokumentaciju da bi ostvario prioritet pri zapošljavanju, u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u HNK ("Službene novine HNK" broj 1/24).

U skladu sa članom 16. stav 2. Uredbe o postupku prijema u radni odnos u javnom sektoru u HNK, Komisija za izbor kandidata za prijem u radni odnos je dostavila direktoru izvještaj o provedenom postupku na daljnje postupanje. Uz izvještaj je priložila listu uspješnih kandidata, koja se kandidatima dostavlja uz odluku o izboru kandidata.

Kao prvorangirana kandidatkinja u radni odnos na određeno vrijeme u trajanju od jedne godine primljena je Adela Mesihović – Nanić, a kandidati: Amerisa Bubalo, Nedim Kajtaž, Mehmed Salčin i Selma Palić nisu primljeni u radni odnos jer se na poziciju 1. tražio jedan izvršilac.

U skladu sa provedenom procedurom Komisija je predložila listu uspješnih kandidata na osnovu koje je direktor odlučio kao u dispozitivu ove odluke, a u skladu sa članom 16. stav 3. Uredbe o postupku prijema u radni odnos u javnom sektoru u HNK ("Službene novine HNK" broj 4/19, 5/19 i 5/20).

Shodno gore navedenom, odlučeno je kao u dispozitivu ove odluke.

PRAVNA POUKA: Protiv ove odluke može se uložiti prigovor Upravnom odboru u roku od 8 dana od dana prijema odluke.

DOSTAVLJENO:

1. imenovanim;
2. personalni dosije;
3. arhiva oglasa;
4. oglasna tabla i Web stranica;
5. a/a



DIREKTOR

Mr. sci. dr. Edin Kapetanović
spec. porodične medicine